

Nioqqutissanik eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat

§ 1

Nioqqutissanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi, ilaatigut Inatsisartut inatsisaatigut nr. 3, 3. marts 1994-imeersukkut kingullermillu Inatsisartut inatsisaatigut nr. 2, 27. maj 1997-imeersukkut allanngortinneqartumi, makku allannguutigittinneqassapput:

1. § 3, imm. 1, nr. 5 atorunnaarsinneqarpoq.

2. § 8, imm. 1 imatut oqaasertalerneqassaaq:

"Unioqqutitsineq akitsuutip nalingata marloriaataanit annerusumik akiliitsinermik kingune-qassangatinneqanngippat aammalu arsaarinnissuteqartoqassappat, tak. § 9, imm. 2, Akileraartarnermi Pisorta qarfiup unioqqutitsisoq nalunaarfigisinnaavaa suliassaq eqqartuussinertaqanngitsumik naammassineqarsinnaasoq unioqqutitsisoq unioqqutitsisimalluni nassuerpat piareersimallunilu akiliitsissutissatut nalunaarutigineqartup, tak. § 4, piffissap aalajangersimasup, qinnuteqarnikkut sivitorneqarsinnaasup iluani akilernissaanut aammalu nioqqutissat, tak. § 9, imm. 2, arsaarinnissutigineqarnissaannut akuersippat."

3. § 8, imm. 2 imatut oqaasertalerneqassaaq:

"Imm. 2. Umiarsuarni timmisartuniluunniit nunanut allanut angalasartuni inuttaasunut, inunnullu Kalaallit Nunaanni najugaqavissuunngitsunut tunngatillugu Akileraartarnermi Pisorta qarfik akiliitsissutissanut akitsuutillu akilerneqarnissaannik aammalu arsaarinnissuteqartoqassanersoq, tak. § 9, imm. 2, aalajangiigallarsinnaavoq. Aalajangiigallarfigineqartoq aalajangiinerup nalunaarutigineqarneraniit ullut 14-it qaangiutsinnagit eqqartuussisunut suliassan-ngortitsisinnaavoq. Aalajangiinermi eqqartuussivitsigut periarfissat piffissarititaasullu pineqartumut erseqqissaatigineqassapput. Suliassap eqqartuussisunut suliassanngortinneqarnera Akileraartarnermi Pisorta qarfimmit isumagineqassaaq. Eqqartuussivimmut suliassanngortitsinermi Akileraartarnermi Pisorta qarfiup aalajangigai pineqartup malissavai eqqartuussivitsi-gut aalajangiisoqarserlugu."

4. § 8, imm. 4 imatut oqaasertalerneqassaaq:

"Imm. 4. Qanoq iliuuseqartoqaqqissanngilaq:

1) akiliitsissutissatut aalajangigaq piffissaagallartillugu akilerneqarpat, imaluunniit aalajangenieqarnermi kingorna akiliitsisiniarnikkut akilersinneqarpat, aammalu

2) nioqqutissat arsaarinnissutigineqarpata, tak. § 9, imm. 2."

5. § 9, imm. 2 imatut oqaasertalerneqassaaq:

"Imm. 2. Nioqqutissat § 1, imm. 1, nr. 3-mi aammalu 7-imiit 10-mut taaneqartut, imaluunniit nioqqutissat

peqanngippata taakku aningaasanngorlugit nalingat, tamatigut arsaarinnissutigineqartassapput."

§ 2

Inatsisartutinatsisaatullormi 10. november 1997-imi atuutilissaaq.

Namminersornerullutik Oqartussat, ulloq 6. november 1997

Jonathan Motzfeldt

/

Daniel Skifte

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut